



1621_009.jpg



1621_010.jpg



1621_011.jpg

Histoire de nostre temps.

II


prendre d'heure vne honorable composition, que de se hazarder par vne resistâce à vne perte inévitable, ils firent sortir deux Capitaines, & deux Bourgeois pour parlementer, lesquels obtindrent dudit Duc, que les gens de guerre fortiroiēt armes & bagage sauues; & les Bourgeois seroient maintenus en leurs biens & privilèges, apres auoir presté nouveau serment à son Altesse comme Commissaire de sa Majesté Imperiale.

Après la reddition de Cham, le Duc fit marcher l'armée vers la riuere de Schvartzza, où il prit Neubourg & Valdmunchen, puis ayant passé prez de Valdhausen, il reprist Pleistein, chassa les Mansfeldiens du Landgraviat de Luchtemberg, & ayant passé le Nabe se rendit maistre de Kembatt, Pressat, Eischembach, & Grafenverd, & fit loger son armée aux environs d'Amberg, qui est sur la riuere de Vifs.


Loge son
armée aux
environs
d'Amberg.

Les principaux Seigneurs du haut Palatinat qui estoient retirez dans Amberg, avec ceux qui y tenoient la Chancellerie ou le Senat, voyans d'un costé l'estat miserable où Mansfeld & ses gens de guerre auoient reduict les bourgs & villages par leurs rauages & pilleries; & d'autre part le Duc de Bauieres qui les pressoit les armes à la main de luy faire response à son exhortation & admonition, quitter le party du Palatin, abandonner Mansfeld, de ne luy plus ayder de viures & munitions, & se reduire à l'obeyssance de l'Empereur, eurent plusieurs conseils aupara-


1621_012.jpg



1621_013.jpg



1621_014.jpg



M. DC. XXI.

14

puissance des grands Princes, & qui sont à leur bien seance, sont de difficile restitution. Voyons ce qui se passoit cependant au Palatinat du Rhin.

Cordoua
General des
Espagnols
ayant passé
le Rhin se
réd maistre
de plusieurs
villes en la
Bergstrasse.

Repasse
le Rhin &
prend Kei-
fers lauter
& Land-
stal.

Au fucillet 788. du septiesme tome, il a esté rapporté comme apres que la trefue fut finie au Palatinat du Rhin, Dom Gonçales Fernand des de Cordoua General des Espagnols estoit passé le Rhin, auoit surpris le Chasteau & la Tour de Stin, & que les Palatinois s'estans efforcez de le vouloir reprendre, auoient esté contraincts de leuer le siege au bout de trois iours. Or Veer General des Anglois commis à la garde du Palatinat, voyant les Espagnols au delà du Rhin, ietta la pluspart de ses forces dans Heildeberg & Mannheim, croyant que les Espagnols deussent tourner leurs armes deuiers ces villes là, ce qu'ils ne firent pas; ains s'en allerent vers la Bergstrasse où ils se rendirent maistres de Bensheim, de la forteresse de Starkemburg, de Heppenheim, Vemheim, & de toutes les villes qui sont dans ce traict de montagnes qui semble separer le Palatinat de la Franconie.

Cela faict, l'armee Espagnole retourna vers Stin, où Cordoua estant aduertie du peu de gés de guerre qui estoient dās Keisers-lauter où commandoit le Capitaine Raquet, repassa le Rhin, & la fit soudainement inuestir d'un costé. Raquet auoit esté autrefois sommé de se rendre, mais ayant en ce temps là nombre suffisant de gens de guerre pour deffendre la place, il auoit fait aussi responce aux Espagnols, Ny ve-

1621_015.jpg

Histoire de nostre temps.


15

neez pas si vous ayez de viure : Mais à ceste fois le voyant avec peu de soldats , & des bourgeois mal aguerris , il fut contrainct de faire la retraicte avec les siens par le costé d'en-hault ; & les Citoyens de recevoir vne garnison Espagnole. Comme aussi fit celuy qui commandoit dans Landstal , lequel rendit aux Espagnols ceste place sans faire aucune resistance. Ce faict , Cordoua mena son armee loger aux environs de Gemersheim, d'où il alla mettre le siege deuant Frankental, voyant que toutes les forces Palatinoises estoient vers Heildeberg & Manheim au delà du Rhin.

Le 7. Octobre donc , selon le nouveau stile, Frankental fut assiegé par les Espagnols du costé de la porte de Spire, & de celle de Manheim: ils furent deux iours à faire leurs tranchées & approches dans des vignes, & à dresser vne batterie de quatre canons, de laquelle le vniesme iour ils commencerent à abatre quelques deffenses ; & ce mesme iour il y eut vn combat sur le chemin de Manheim entre les habitans & les assiegeans , où la perte fut esgale: Mais le lendemain les assiegez firent vne seconde sortie, en laquelle les Espagnols qui vouloient faire ferme à la garde de leur canon furent tous tuez , toutes les munitions qui y estoient prises, & eussent emmené les quatre canons s'ils eussent eu des cheuaux, & de la caualerie pour les soutenir, qui estoit ce qui manquoit le plus aux assiegez: car en la ville outre les habitans, il n'y auoit que de l'in-

Assiege Frā.
kental.Estat des
assiegez.


1621_016.jpg




16 *M. DC. XXI.*
 fanterie en garnison, ſçauoir, trois compa-
 gnies d'Anglois, ſous la conduite de Iean Bor-
 nes qui commandoit dans la ville, trois com-
 pagnies d'Allemands, & deux compagnies de
 Holandois: Quant aux habitans & à ceux des
 villes voiſines qui s'eſtoient enfermez en ce
 ſiege, on fit eſlection de ceux qui eſtoient pro-
 pres aux armes, deſquels on en dreſſa quatre
 compagnies, qui parurēt le long du ſiege avec
 beaucoup plus d'ardeur & courage, que les
 autres ſoldats de la garniſon: Auſſi quelques
 Seigneurs volontaires qui s'eſtoient jettez de-
 dans la ville y ſeruirent beaucoup, & entre-
 autres Louys Comte de Vigenſtein.

Les Eſpagnols continuans leur batterie, &
 ayans tiré plus de mille coups de canon en
 deux endroiçts contre les deux baſtions du
 dehors des portes de Spire & Manheim, apres
 auoir abbatu les deſenſes, & tout ce qui leur
 pouuoit nuire pour aller à l'aſſault, le donne-
 rent ſi vigoureuſemēt, qu'ils emporterent ces
 deux baſtions, & tuerent tout ce qui s'y trou-
 ua en deſſenſe: ſur celuy de la porte de Spire
 ſoixante Anglois qui le deſendoient y laiſſe-
 rent la vie. Or ayans ainſi pris ces deux baſtiōs
 de dehors, ils ſe voulurent aduancer & atta-
 quer les baſtions du dedans faiçts en forme
 de demies lunes: mais ils en furent repoulſez
 rudement, & contrainçts apres la perte d'un
 grand nombre de bons hommes de ſe retirer,
 & quant & quant abandonner les deux ba-
 ſtions des dehors qu'ils auoient gaignez. Ce-
 ſte premiere ardeur des Eſpagnols eſtant ainſi
 rembarce,

1621_017.jpg



1621_018.jpg



18 M. DC. XXI.
furent lors contraires aux Espagnols, il sem-
bla le lendemain que l'eau leur fust aussi deve-
nuë ennemie, car il fit de si grands orages de
pluye, que leurs trâchees, lesquelles la seche-
resse du tēps leur auoit permis de faire dās des
lieux marescageux, & de nature humides, se-
veirent tellement remplies d'eauës, qu'ils fu-
rent contrains de les quitter, & de demeurer
le 22. dudit mois dans leur camp sans rien en-
treprendre. Aussi au mesme temps les assiegez
furent si heureux en leurs contremines, qu'ils
en uoyèrent au vent toutes les mines des Espa-
gnols.

Le 23. Cordoua ayant receu aduis certain
que Mansfeld s'estoit aduancé en route dilige-
ce sur les frontieres du Palatinat du Rhin; que
le General Veer qui estoit dans Manheim y a-
uoit conuoqué toutes les garnisons Palatinoi-
ses, afin d'y passer le Rhin & contraindre les
Espagnols de leuer le siege de Frankental; &
que les Palatinois feroient, estans ioints, deux
fois plus forts que les Espagnols, tant en cau-
lerie qu'infanterie, l'armée Espagnole n'estant
au plus que de six à sept mille hommes de pied
& deux mille cheuaux, s'estant perdu plus de
quinze cens hommes en ce siege; Ce fut pour-
quoy Cordoua delibera de le leuer: mais il
voulut auparauant faire sommer les assiegez
par vn tambour, d'entendre à quelque com-
position honorable, ce qu'il fit, leur faisant
proposer, que s'ils se vouloient rendre, que
les habitans seroient maintenus au libre exer-
cice de leur Religion, & en tous leurs priuile-

Image issue du site mercurefrancois.ehess.fr - Cliché (c) Cécile Soudan